



# PREZIDÉNSIA KONSELLU MINISTRUS

V GOVERNUN KONSTITUSIONÁL

DÍLI, LORON 3 FULAN FEVEREIRU TINAN 2014

## KOMUNIKADU IMPRENSA

### **Sorumutu extraordinária Konsellu Ministru loron 3 fulan Feveiru 2014**

Governu hala'o sorumutu estraordinária iha segunda-feira ne'e, loron 3 fulan Feveiru 2014, iha sala sorumutu Konsellu Ministru nian, iha Palásiu Governu, iha Díli, no aprova ona:

#### **1. Rezolusaun Governu ne'ebé aprova ba konsesaun Ajuda Finanseira ba Portugal rezultadu husi inséndiu iha tinan 2013**

Iha 2013, Portugal hetan kastigu ida husi inséndiu ho número ida aas tebes. Situasaun ne'e enfrakese korporasaun bombeiru sira nian, ne'ebé halakon mós soldadu dame sira nia vida, ekipamentu, iha korporasaun bombeiru sira nian barak-barak. Haree ba akontesimentu sira ne'ebé mosu no laiha prevensaun, Governu rezolve aprova donativu ho valór osan \$ 500.000 (dólar amerikanu rihun atus lima) hodi fó apoiu ba entidade sira ne'e atu reforsa sira nia kapasidade hodi kombate ahi.

#### **2. Rezolusaun Governu nian ne'ebé aprova tiha konsesaun Ajuda Finanseira ba Vítima sira Dezastre Naturál ne'ebé akontese iha Indonézia**

Tempu at ne'ebé mak akontese iha zona sentraá Indonézia nian, durante tempu udan ne'e, tuir informasaun husi autoridade lokál sira, pelu menuz halo ema na'in 18 mate, no ema rihun 80 resin mak husik tiha sira nia hela fatin.

Autoridade Indonzsia sira halo ona esforsu maka'as tebes hodi harii sentru sira abrigo temporáriu nian hodi fó tulun, fahe bee, aihan no hena ba hatais ba ema sira ne'ebé mak hasai tiha husi sira nia uma.

Ho objetivu atu apoia vítima sira ba dezastre naturál sira, Governu desidi hodi aprova donativu ho valór osan \$ 500.000 (dólar amerikanu rihun atus lima).



Palácio do Governo,  
Avenida Presidente Nicolau Lobato,  
Díli, Timor-Leste

pcm.gov.tl@gmail.com  
(+670) 33 310 608

### **3. Rezolusaun Governu nian ne'ebé aprova konsesaun Ajuda finanseira ba Vítima sira husi Siklone *Ian* iha Tonga**

Governu aprova ona donativu ida ho valór osan \$ 250.000 (rihun atus rua lima nulu dólar amerikanu) atu tulun vítima sira husi Siklone *Ian*, ne'ebé atinje arkipélagu Tonga - monarkia ida ne'ebé maka halo parte husi Polinézia, iha parte sul Oseanu Pasífiku nian.

Siklone ne'e, ho kategoria 5, ho anin boot ne'ebé huu ho velocidade kilómetru 287 oras ida, ne'ebé provoca korte iha komunikasaun no fornimentu enerjia elétrika iha arkipélagu ne'e no illa balun izolada nafatin.

### **4. Dekretu-Lei ne'ebé kria Unidade Informasaun Finanseira**

Diploma ida ne'e, ne'ebé mosu iha segmentu husi aprovasaun Rejime Jurídiku Prevensaun no Kombate ba Brankeamentu Kapítal no ba Finansiamentu Terrorizmu (Lei n.<sup>u</sup> 17/2011, loron 28 fulan-Dezemburu) ne'ebé regula Unidade Informasaun Finanseiru (UIF), ne'ebé kria ona iha lei ne'e.

UIF “maka entidade administrativa ida ne'ebé harii hamutuk ho Banku Sentrál Timor-Leste nian, nu'udar responsável atu analiza informasaun sira ne'ebé iha relasaun ho relatóriu sira tranzasaun suspeita sira no informasaun sira seluk ne'ebé iha relasaun ho krime brankementu kapitál no finansiamentu terrorizmu no habelar informasaun sira ne'e ba entidade competente sira”.

### **5. Rezolusaun Governu nian ne'ebé aprova Konstituisaun Komisaun Nasionál ba Implementasaun medida sira kona-ba Kombate Brankementu Kapítal no Finansiamentu Terrorizmu nian**

Komisaun Nasionál ba Implementasaun medida Kombate Brankementu Kapítal no Finansiamentu Terrorizmu (CNCBC, sigla iha lian Portugés) ninia misaun maka “koordena implementasaun rekomendasaun sira no *standards* husi Grupu Asaun Finanseiru Internasionál (FATF/GAFI)”.

Tanba brankeamentu kapitál no finansiamentu terrorizmu sai hanesan fenómeno ho natureza no relevánsia tranznasionál, maka kriaun CNCBC prezisa duni atu asegura kumprimentu norma internasionál sira ne'ebé iha relasaun ho krime sira ne'e, ba sira ne'ebé Timor-Leste adere ona, no Governu iha duni hakarak atu dezenvolve no adekua lejlzlasaun nasional atubele halo sai efikáz liután hodi kombate ba krime sira ne'ebé iha ligasaun ba brankeamentu kapitál no finansiamentu terrorizmu.

Governu konsidera Rekomendasaun sira husi Grupu Asaun Finanseiru Internasionál (FATF/GAFI), ne'ebé hetan rekoñesimentu husi nasaun no jurizdisaun 140 resin no husi organizasaun internasionál no rejional importante sira, no ba integrasaun Timor-Leste nian iha Grupu Ázia-Pasífiku Kontra Brankementu Kapítal (sigla iha lian Portugés APG).



Konsellu ministru halo ona mós anáize kona-ba :

### **1. Relatóriu ba Progresu Avaliasaun Mútua kona-ba Brankeamentu Kapítal**

Relatóriu semestrál ne'e, apresenta husi Banku Sentráal Timor-Leste ba Konsellu Ministru, hodi hatán ba rekomendasaun hirak ne'ebé halo husi Grupu Ázia-Pasífiku Kontra Brankeamentu Kapítal (APG sigla iha lian Portgés) ba Timor-Leste kona-ba kestaun brankeamentu kapitál no krime sira seluk iha relasaun ho kestaun ne'e. Timor-Leste sei apresenta dokumentu ne'e iha Sorumutu Anuál APG nian, ne'ebe sei hala'o iha Makau, iha fulan Jullu. Fó hanoin de'it katak Timor-Leste sai hanesan membru APG nian husikedas fulan Jullu tinan 2008.

### **2. Relatóriu husi Komisaun Temporária ba Jestaun no Funsionamentu SAMES nian**

Komisaun Temporária ba Jestaun no Funsionamentu Servisu Aotónomu Medikamentu no Ekipamentu Saúde – SAMES E.P. apresenta ona ba Governu, relatóriu detalladu ida kona-ba possibilidade sira atu viabiliza instituisaun ne'e.

Relatóriu ne'e halo tiha hafoin konsulta lubuk ida ho instituisaun balu, nasional, no iternasionál sira, ne'ebé relevante no ninia objetivu mak atu kapasita SAMES ho estrutura jestaun nian ida ne'ebé forte, efikáz no moderna hodi fihir ba opsaun sira atu viabiliza fornimentu kontínuu medikamentu no ekipamentu ospital nian iha Timor-Leste. Fó hanoin katak, Dokumentu ne'e Governu husu ona iha tempu apresentasaun relatóriu ida kona-ba situaun finanseira no rekursu umanu hosi SAME E.P, iha sorumutu Konselu Ministru iha loron 9 Fulan 2013.

